

金剛頂瑜伽中發阿耨多羅三藐三菩提心

論亦名瑜伽總持教門說
善提心觀行修持義

橫十

大真善藏以門齊齊不齊開舉奉 釋

大廣智阿闍黎云若有上根上智之人不樂外道二乘法有大度量勇銳無惑者宜修佛乘當發如是心我今志求阿耨多羅三藐三

橫十

菩提不求餘果誓心決定故魔宮震動十方諸佛皆悉證知常在入天受勝快樂所生之處憶持不忘若願成瑜伽中諸菩薩身者亦名發菩提心何者謂次諸尊皆同大毗盧遮那佛身如人貪名官者發求名官心修理名官行若貪財寶者發求財寶心作經營財物

行凡人欲求善之與惡皆先標其心而後成其志所以求菩提者發菩提心修菩提行既發如是心已須知菩提心之行相其行相者三門分別諸佛菩薩昔在因地發是心已勝義行願三摩地為戒乃至成佛無時暫忘惟真言法中即身成佛故是故說三摩地於諸

教中闕而不言一者行願二者勝義三者三摩地初行願者為修習之人常懷如是心我當利益安樂無餘有情界觀十方舍識猶如已身所言利益者為勸發一切有情悉令安住無上菩提終不以二乘之法而令得度真言行人知一切有情皆舍如來藏性皆堪任

安住無上菩提是故不以二乘之法而令得度故華嚴經云無一眾生而不具有如來智慧但以妄想顛倒執著而不證得若離妄想一切智自然智無礙智則得現前所言安樂者謂行人既知一切眾生畢竟成佛故不敢輕慢又於大悲門中尤宜拯救隨眾生與而

給付之乃至身命而不憍惜令其安存使令悅樂既親近已信任師言因其相親亦可教導眾生愚蒙不可彊度真言行者方便引進二勝義者觀一切法無自性云何無自性謂凡夫執著名聞利養資生之具務以安身恣行三毒五欲真言行人誠可厭患誠可棄捨

又諸外道等戀其身命或助以藥物得仙宮
住壽或復生天以為究竟真言行人應觀彼
等業力若盡未離三界煩惱尚存宿殃未殞
惡念旋起當彼之時沈淪苦海難可出離當
知外道之法亦同幻夢陽焰也又二乘之人
聲聞執四諦法緣覺執十二因緣知四大五

橫十

二

陰畢竟磨滅深起厭離破眾生執勤修本法
尅證其果趣本涅槃已為究竟真言行者當
觀二乘之人雖破人執猶有法執但靜意識
不知其佗久久成果位以灰身滅智趣其涅
槃如太虛空湛然常寂有定性難可發生要
待劫限等滿方乃發生若不定性者無論劫

限遇緣便迴心向大從化城起為以超三界
謂宿信佛故乃蒙諸佛菩薩而以方便遂發
大心乃從初十信下徧歷諸位經三無數劫
難行苦行然得成佛既知聲聞緣覺智慧狹
劣亦不可樂又有眾生發大乘心行菩薩行
於諸法門無不徧修復經三阿僧祇劫修六

度萬行皆悉具足然證佛果久遠而成斯由
所習法教致有次第今真言行人如前觀已
復發利益安樂無餘眾生界一切眾生心以
大悲決定未超外道二乘境界復修瑜伽勝
上法能從凡入佛位者亦超十地菩薩境界
又深知一切法無自性云何無自性前以相

說今以昔陳夫迷途之法從妄想生乃至展
轉成無量無邊煩惱輪迴六趣若覺悟已妄
想止除種種法滅故無自性復次諸佛慈悲
從真起用救攝眾生應病與藥施諸法門隨
其煩惱對治故無如大毗盧遮那成佛經云
諸法無相為虛空相作是觀已名勝義菩提

橫十

三

心當知一切法空以悟法本無生心體自如
不見身心住於寂滅平等究竟真實之智今
無退失妄心若起知而勿隨妄若息時心源
空寂萬德斯具妙用無窮所以十方諸佛以
勝義行願為戒但具此心者能轉法輪自佗
俱利如華嚴經云悲先慧為主方便共相應

信解清淨心如來無量力無礙智現前自悟不由佗具足同如來發此最勝心佛子始發生如是妙寶心則超凡夫位入佛所行處生存如來家種族無瑕玷與佛共平等決成無上覺纔生如是心即得入初地心樂不可動譬如大山王又准華嚴經云從初地乃至十

地於地地中皆以大悲為主如無量壽觀經佛心者大慈悲是又涅槃經云南無純佗身雖人身心同佛心又云憐愍世間大醫王身及智慧俱寂靜無我法中有真我是故敬禮無上尊發心畢竟二無別如是二心先心難自未得度先度佗是故我禮初發心初發已

爲人天師勝出聲聞及緣覺如是發心過三界是故得名最無上如大毗盧遮那經云菩提爲因大悲爲根方便爲究竟

第三言三摩地者真言行人如是觀已云何能證無上菩提當知法亦應住普賢大菩提心一切衆生本有薩埵爲貪瞋癡煩惱之所

縛故諸佛大悲以善巧智說此甚深秘密瑜伽令修行者於內心中觀日月輪由作此觀照見本心湛然清淨猶如滿月光徧虛空無所分別亦名無覺了亦名淨法界亦名寶相般若波羅蜜海能含種種無量珍寶三摩地猶如滿月潔白分明何者爲一切有情悉含

普賢之心我見自心形如月輪何故以月輪爲喻謂滿月圓明體則與菩提心相類凡月輪有一十六分喻瑜伽中金剛薩埵至金剛拳有十六大菩薩者於三十七尊中五方佛位各表一智也東方阿閼佛由成大圓鏡智亦名金剛智也南方寶生佛由成平等性智

橫十

四

亦名灌頂智也西方阿彌陀佛由成妙觀察智亦名蓮華智亦名轉法智也北方不空成就佛由成所作智亦名羯磨智也中方毗盧遮那佛由成法界智爲本已上四佛智出生四波羅蜜菩薩焉四菩薩即金寶法業也三世一切諸賢聖生成養育之母於是印成

法界體性中流出四佛也四方如來各攝四菩薩東方阿閼佛攝四菩薩金剛薩埵金剛王金剛愛金剛善哉為四菩薩也南方寶生佛攝四菩薩金剛寶金剛光金剛幢金剛笑為四菩薩也西方阿彌陀佛攝四菩薩金剛法金剛利金剛因金剛語為四菩薩也北方

不空成就佛攝四菩薩金剛業金剛護金剛牙金剛拳為四菩薩也四方佛各四菩薩為十六大菩薩也於三十七尊中除五佛四波羅蜜及後四攝八供養但取十六大菩薩為四方佛所攝也又摩訶般若經中內空至無性自空亦有十六義一切有情於心質中有

一分淨性眾行皆備其體極微妙皎然明白乃至輪迴六趣亦不變易如月十六分之一凡月其一分明相若當合宿之際但為日光奪其明性所以不現後起月初日日漸加至十五日圓滿無礙所以觀行者初以阿字發起本心之中分明只漸令潔白分明證無生

橫十

五

智夫阿字者一切法本不生義準毗盧遮那經疏釋阿字具有五義一者阿字短是菩提心二阿字翻是菩提行三暗字長是證菩提義四惡字短是般涅槃義五惡字翻是具足方便智義又將阿字配解法華經中開示悟入四字也開字者開佛知見即雙開菩提涅槃

如初阿字是菩提心義也示字者示佛知見如第二阿字是菩提行義也悟字者悟佛知見如第三暗字是證菩提義也入字者入佛知見如第四惡字是般涅槃義總而言之具足成就第五惡字是方便善巧智圓滿義也即讚阿字是菩提心義頌曰

八葉白蓮一肘間 炳現阿字素光色

禪智俱入金剛縛 召入如來寂靜智

夫會阿字者指寔決定觀之當觀圓明淨識若纔見者則各見真勝義諦若常見者則入菩薩初地若轉漸增長則廓周法界量等虛空卷舒自在當具一切智凡修習瑜伽觀行

人當須具修三密行證悟五相成身義也所言三密者一身密者如結契印召請聖眾是也二語密者如密誦真言今文句了了分明無一誤也三意密者如住瑜伽相應白淨月圓觀菩提心也

次明五相成身者一是通達心一是菩提心三是金剛心四是金剛身五是證無上菩提獲金剛堅固身也然此五相具備方成本尊身也其圓明則普賢身也亦是普賢心也與十方諸佛同之亦乃三世修行證有前後及達悟也無去來今凡人心如合蓮葉佛心如滿月此觀若成十方國土若淨若穢六道合

識三乘行位及三世國土成壞衆生業差別菩薩因地行相三世諸佛悉於中現證本尊身滿足普賢一切行願故大毗盧遮那經云如是真實心故佛所宣說問前言二乘之人有法執故不得成佛今復今修菩提心三摩地者云何差別答二乘之人有法執故久久

證理沈空滯寂限以劫數然發大心又乘散善門中經無數劫是故足可厭離不可依止今真言行人既破人法二執雖能正見真實之智或為無始間隔未能證於如來一切智智欲求妙道修持次第從凡入佛位者即此三摩地者能達諸佛自性悟諸佛法身證法

界體性智成大毗盧遮那佛自性身受用身變化身等流身為行人未證故理宜修之故大毗盧遮那經云悉地從心生如金剛頂瑜伽經說一切義成就菩薩初坐金剛座取證無上道遂蒙諸佛授此心地然能證果凡今之人若心決定如教修行不起于座三摩地

現前應是成就本尊之身故大毗盧遮那經供養次第法云若無勢力廣增益住法但觀菩提心佛說此中具萬行滿足清白純淨法也此菩提心能包藏一切諸佛功德法故若修證出現則為一切導師若歸本則是密嚴國土不起于座能成一切佛事讚菩提心曰

若人求佛慧 通達菩提心 父母所生身
 速證大覺位
 金剛頂瑜伽中發阿耨多羅三藐三菩提心
 論

橫十

七末